

SARS YI TSHAMA YI PFULEKERILE MIMBHURISANO YO YA EMAHLWENI NA MIHLANGANO YA VATIRHI

Tshwane, 12 Mawuwani 2022 – Vukorhokeri bya Xibalo bya Afrika-Dzonga (SARS) byi tsakela ku tiyisisa leswaku swirho swa PSA na NEHAWU swi sungurile xitereka hi ku ya hi xitiviso lexi nyikiweke hi nhlangano eka Vurhangeri bya SARS. Ku pfuxiwa ka xitereka ku landzela yimiso wa nkarhinyana hi PSA hi Mudyaxihi, naswona vurhangeri bya nhlangano byi kombisile leswaku byi tiyimiserile ku tereka ku fikela loko SARS yi antswisa nyiketo wa yona wa muholo.

Nkwetlembetano wu sungurile hikwalaho ka ku tsanwiwa ka R70 million leyi nga kona hi mihlangano ya vatirhi eka miengetelo ya masungulo eka vatirhi va yuniti yo popela.

SARS yi vurile leswaku a yi bohi eka timali ta yona, kambe yi tiseketela hi avelo wa lembe lowu endliweke hi ku tirhisa phurosese leyi fambisiwaka hi Vutameri bya Timali ta Tiko. Xikoxo xa mihlangano ya vatirhi xa *CPI plus 7%* a xi fikeleleki ku fikela loko SARS yi kuma timali tin'wana.

SARS yi tshama yi twela vusiwana eka mitlhontlho leyi vangiwa hi mixavo leyi engetelekaka ya swakudya na mafurha ku katsa na vukorhokeri byin'wana bya nkoka. Swiyimo leswi swi khumba vaaki vo tala va Afrika-Dzonga ku katsa na vatirhi va SARS.

SARS yi ta ya emahlweni yi xixima timfanelo ta vatirhi leti sirheleriweke hi vumbiwa to tereka eka swipimelo swo tika swa nawu, lokohitlhelo hi nkarhi wo fana yi teka magoza lama faneleke ku fikelela xileriso xa yona xa xinawu no tirhela vahakelaxibalo na xavisi. "A wu hakeriwi, loko u nga tirhangi" yi tirhisiwa eka vatirhi lava nghenelelaka eka xitereka.

SARS yi nga vika leswaku eka siku ra yona ro sungula ra xitereka ku vi le na nkavanyeto wutsongo eka vukorhokeri bya yona. Lokohitlhelo marhavi man'wana ma fanele ku pfariwa hikwalaho ka mpfumaleko wa vatirhi, vahakelaxibalo hi ku angarhela va yi le emahlweni va burisana na nhlangano hi ku tirhisa vukorhokeri byo hambanahambana bya le ka inthanete. SARS yi yisile emahlweni switshembhisano swo tala leswi a yi ri na swona ku nga si sungula xitereka.

SARS yi vekile tipulani to engetelela to yisa emahlweni bindzu na matshalatshala man'wana ku kota ku ya emahlweni no nyika vukorhokeri bya nkoka eka vahakelaxibalo. Hi hlohlotella mani na mani ku tirhisa webusayiti ya hina ku kuma swinghenisiwa leswintshwa swa mayelana na leswaku ku burisaniwa njhani na SARS ku fikelerisa swiboho swa vona leswi lavekaka.

Vahakelaxibalo va hlohloteriwa ku papalata ku ta ehofisini ya SARS.

SARS yi kombela vatirhi leswaku va kombisa ku vilela hi ku rhula no hlonipha milawu yo tereka tanihileswi swi vekiweke hakona eka Milawu yo Tereka ya CCMA leyi humesiweke.

SARS yi kombisile vuvonikeri eka xiyimo xa yona xa swa timali na ntsakelo wo burisana na vurhangeri bya nhlangano eka xihakarimitsu lexi. SARS yi endlile hinkwaswo ematimbeni ma yona na timali leti nga kona ku engetela nyiketo eka

mihlangano ya vatirhi, leswi tshamaka swi ri kona. SARS yi tshama yi ri na ntsakelo wo ya emahlweni na mimbhurusano na mihlangano ya vatirhi eka nyiketo ku katsa na Ndinganyeto wa Nkoka wa Vatirhi.

Ku kuma voxokoxoko ku ya mahlweni, u komberiwa ku tihlanganisa na SARSMedia@sars.gov.za